



Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

13. De secundo humilitatis exercitio, quod est, nemini se præferre:
posthabere potiùs.

[urn:nbn:de:hbz:466:1-47032](#)

C A P V T XIII.

*De secundo humilitatis exercitio: quod est, nemini se pre-
ferre, posthabere potius.*

Prius humilitatis exercitium, de quo proximè actum est, partes duas complexum est, quarum vna humilem docet, nihil sibi tribuere se posse, cum nihil boni à se, omnia illi foris adueniant; altera, bonum omne à Dei solius potestate manare, perque eandem perdurare profitetur: è quibus consequens est, ut quicunque memori hæc mente recondiderit, se tenebris osum, bonorum omnium indigum, Deo æternæ luci, & bonorum indeficienti fonti verecundè representet. Vnde statim animaduertis, posse aliquem in primo illo exercitio longè processisse, qui secundi huius aut parum aut nihil habuerit: ibi enim sola sui & Dei, hinc caliorum hominum ratio habetur; erit igitur etiam ad huius consecutionem animus adhibendus.

Quamquam ex illo priore, ad secundum hoc facilior erit transitus: non tantum, quod cognatae sunt omnes implexæque virtutes, veritasque veritatem, humilitatem humilitas, & gratiam parit gratia: sed maximè, quod nulla censerit potest humilitatis actio ex vera virtute proficisci, nisi inde fiat quod verissima sui cognitione sibi vilescit, ideoque veræ, atque rationi & Deo consentaneæ de se opinatiō se conformans, intra conuenientis modici limites, vel ipsa se continet, vel redigi exoptat: hoc autem vniuersum, illa denique, nostræ inanitatis, nativæque egestatis, quam suprà expressimus, cognitione metiendum est: quare & primum illud ceteris fundandis conuenit, & vix possunt aliunde, quam ex primi radice, propagari.

Facit equidem immodicus excellendi & imperitandi affectus, à primo patente nostro heu nimium congenitus; facit etiam nimio blandus nostri amor, cautusque dissimilator malorum, at bonorum amplificator ementiens, facit, inquam, ut alia longè quam debueramus opinione, de nobis, de que alijs imbuan: siquidem alienas laudes liuido inuidentia dente arrodimus, minuimus, eludimus; at id omne quod à nobis proficiscitur, si laudabilis aliquid vel perparum habeat, speciosius adornamus, efferrimus, in maius extollimus, ac etiam eius nos recordatione oblectamus, sermocinatione crebra, ad nauseamque repetita, vanissimæ laudis venatores ambitiosi sumus. *Habet*, ait S. Gregor. *humana infirmitas hoc proprium*, ut plus ei intueri libeat, quod sibi in se placet, quam quod sibi in se displaceat. Quain tamen infirmitatem qui superauere viri perfecti, pene soli bona sua non vident, quæ in se videnda, omnibus ad exemplum præbent: siue quod sequente capi-

*I. I. Mer.
6. 6.*

capite dicit, bona quidem qua agunt vident, & tamen cum peregerint, ab eorum memo- cap. 7.
ria oculos auertunt.

Etenim veroque modo res accedit: nam interdum praे contentione ad maiora, & quia desideriorum amplitudinem angustiae operum nequeunt adæquare, nihil præclaris se præstari putant: idque potissimum, quia, ut idem Sanctus docet, dum iudicis districtionem vigilanter attendunt, plus de malis suis metunt, quam de imperfectis bonis exultent: plus inspiciunt, quod de his, qua albuc eis agevada sunt, debitorcetentur, quam quod operantes quedam, iam debitum partem soluant. Neque enim absolutus est debitor, qui multa reddit, sed qui omnia; nec ad brauium victoria peruenit, qui in magna parte stadij velociter currit, si iuxta metas veniens, in hoc quod est reliquum deficit: nec ad qualibet destinata loca pergentibus, inchoando prodejet longum iter carpere, si non etiam valerent consummare. Merito igitur, sua recte facta, quia etiamnum imperfecta, nec ad destinatum pertingentia, in recte factis non adnumerant: addo etiam, vix ita recte aliquid fieri, quin vel aliquid imperfectum sit admixtum, vel neminius recte propositi, complacentiae, appetentiae laudum scelus insinuauerit aliquid, merito timere vir etiam sanctissimus possit, ac fermè quoque non nihil à summa perfectione defuisse percipiat. Sed hæc licet ita se habeant, nonnumquam tamen eiusmodi sunt, ut rerum gestarum splendorem obruere proslus nequeant, quin earum auctor quam recte à se factum sit agnoscat; at quoniam sibi ipsi blandiri dissuevit, semperque ad meliora atque maiora properanti similis est, quidquid à se iam factum est de memoria depouit, tota que animi vires ad mox facienda conuertit: scit enim se sub oculos minimè obliuiosi agnochetæ decertare, nec aliunde gravius naufragij periculum onustæ suæ nauim inuinere, quam si superbis existimationis suæ flatibus, vanus sui mirator indulget. Sunt & alia pluim, quæ huic tumori comprimendo, vel ex ante dictis, vel è mox dicendis peti poslunt.

Planeque istud solet viri humilis esse maximè proprium, suisvt in bonis, alienisque malis peruidendis cœcutiat, acutum verò & mala sua & aliena bona cernat: quod ipsum propterea fit, quia omnis quæ animum nostrum occupauet virtus, eum solerat ea quæ sibi maximè consentanea sunt flectere, cuiusmodi ea sunt omnia, quæ virtuti cuidam exercenda aptiore materiali prabent: vnde illos videoas qui timore Dei plurimū aguntur, totos in severitate; at illos qui fiducia & amore, totos pariter in iudiciorum diuinorum contemplanda benignitate versati, hic habitant, hic vigent, at hebescit acies mentis ad oppositra. cur? nisi quod menti insidens domina quedam virtus, suas in partes blandiū iritat, & à sibi repugnantibus potenter auertit? Idem igitur, si cuius animum insederit, præstat humilitas, excogitari, obseruari, notari facit ea quæ deprimenda elationi, superbia que retundenda conferant: cui rei non facile apius aliud est, quam si magni ceteros, te unum parui feceris: hoc verò non alia via consequeris, quam in ceteris bona multa, in te ipso mala multa; præclara

in ceteris, & laude digna, in te vero vilia, & vituperanda plura videntur. Hoc ut video, sola facit humilitas, sola, ad hanc normam, tunc mentis oculos diriget. Quam in rem praeclarè sanè dicere solitus Abbatem

In Bibl. pp. Isaiam legimus, Humilitatem nec linguam habere, qua de aliquo tamquam negligente aut superbo loqueretur, neque oculos quibus aliorum errata perspicueret, neque aures quibus ea qua anima sua non prodeissent audiret, nihil denique habere negotiis nisi cum peccatis suis. Illi enim cum ceteris omnibus pacem esse, non amicitia gratia, sed propter mandatum Domini. Quid si quis sine humilitate, vel ieiunijs incumbat, vel se rebatur affligat, vel mandata conetur obseruare, eius esse labores inanes. Ita ex illo referunt.

Luc. 18.

Orat. de
humil.

gr. 25.

L. 21/17.7

hom. 37 in
Cant.

Iean. 8.

Cuius sententiae postremam partem edocendam & affirmandam, ipsa sibi summis prima Veritas, in eos agens qui praefidentes, aspernabantur ceteros, eleemosynisque, ieiunijs, orationibus, (quibus quid melius esse potest?) decimis, ac mandatorum Dei obseruationi superbæ, vnicam peccatoris confessionem humilem prælulit. tantum scilicet est in superbâ dispensandum, in humilitate compendium. Damnum iustitiae, Magnus ait Basilius, perculit arrogans, mercedem amicti confidens, imminutus est infra humilem & peccatorem, qui se magnificauit super illum, & non expectauit iudicium a Deo, sed sum ipius protulit. Tu vero, contra neminem te umquam efferas, & ne contra eos quidem qui magni sunt peccatores. Liberat sapernumerò humilitas eum, qui multa & magna peccata commisit. Ne igitur te ipsum supra alterum iustificaueris, ne quando tuo suffragio iustificatus, Dei suffragio condemnaberis. Ita ille, & verè, & acutè: sed argumentatur Climachus; Si superbia, ex angelis quosdam demones fecerunt; humilia prorsus ex demonibus angelos efficere potest. Inde conficit, Quocirca qui cederrunt, bono animo sint. Adiungam etiam, Quocirca qui lapsos videt, ne iudicet, quis nouit annon mox in angelos reddituri sint, tu vero superbia tua in diuinem abiturus? Sed hoc totum, prolixius quidem, & praeclarè admodum D. Bernardo audire satius fuerit, quippe verissimè & doctissimè rem hanc omnem explanat.

Sicut initium sapientiae timor Domini, ait, sic initium omnis peccati superbia; & quomodo perfectionem sibi superbia vendicat amor Dei, ita desperatio sibi omnem malitia consummationem. Et quemadmodum ex notitia sui venit in te timor Dei, atque ex Dei notitia, Dei itidem amor: sic è contrario de ignorantia tui superbia, at de Dei ignorantia venit desperatio. Sic autem superbiam parit tibi ignorantia tua, cum meliorem quam sis, decepta & deceptrix tua cogitatio te esse mentitur. Hoc quippe est superbia, hoc initium omnis peccati, cum major es in tuis oculis, quam apud Deum, quam in veritate. Et ideo qui primus peccauit hoc grande peccatum, (diabolus loquitur) de ipso dictum est, quia in veritate non stetit, sed mendax est ab initio: quoniam quod in sua fuit cogitatione, non fuit in veritate. Sed quid si quis in eo discordaret a veritate, ut minorum se inferiorumque putaret, quam veritas haberet? Ex-

cusaret eum sua proculdubio ignorantia, & minimè reputaretur superbus, nec tam inueniretur iniqüitas eius ad odium, quām humilitas fortassis ad gratiam. Si enim in quonam statu vnumquemque nostrū habeat Deus, liquidū cognosceremus; nec suprà sanè, nec insīra secedere deberemus, veritati in omnibus acquiescentes. Nunc autem quia consilium hoc posuit tenebras latibulum suum, & sermo absconditus est à nobis, ita ut nemo sciat si dignus sit amore vel odio, iustius tertiūque profecto iuxta Veritatis ip̄fius consilium, nouissimum nobis locum eligimus, de quo postmodum cum honore superioriū educamur, quām pr̄sumimus altiorē, unde cedere mox oporteat cum rubore. Non est ergo periculum quantumcumque te humiles, quantumcumquereputes minorem quām sis, hoc est quām te veritas habeat. Est autem grande malum horrendūque periculum, si vel modicē plus vero te extollas, si vel vni videlicet in tua cogitatione pr̄feras, quem forte parem tibi veritas iudicat, aut etiam superiorē, Quemadmodum enim si per ostium transcas, cuius superliminare (vt ad intelligentiam loquar) nimium bassum sit, non nocet quantumcumque te inclinaueris: nocet autem si vel transuersi digiti spatio plusquam ostiū patitur mensura exerteris, ita vt impingas, & capite quassato collidaris, sic in anima, non est planè timenda quantalibet humiliatio; horrenda autem, uitiumque pauenda, vel minima temere pr̄sumta erexit. Quamobrem noli te homo, comparare maioribus, noli minoribus, noli aliquibus, noli vni. Quid scis enim, o homo, si vnu ille, quem forte omnium vilissimum atque miserrimum reputas, cuius vitam sceleratissimam, ac singulariter fœdisimam horres, & proptereā illum putas spernendum, non modū pr̄ te, qui forte iam sobriè, & iuste, & piè vivere te confidis, sed etiam pr̄ ceteris omnibus sceleratis, tamquam omnium sceleratissimum; quid scis, inquam, si melior, & te, & illis, mutatione dextera Excelsi, in se quidem futurus sit, in Deo verò iam sit? Et proptereā, non mediocrem, non vel penultimum, non ipsum saltē inter nouissimos eligere locum nos voluit: sed, Recumbe, inquit, in nouissimo loco, vt solus videlicet omnium nouissimus sedreas, tēque nemini non dico preponas, sed nec comparare pr̄sumas. En quantum malum venit de ignorantia nostri; vtique peccatum diaboli, & initium omnis peccati superbia. Et ista quidem S. Bernardus, quæ diligenter obseruata sufficiunt, ut autem diligentius obseruentur, restat ut nonnulla queramus.